



CENTRALE BANK VAN ARUBA

CONFIANSA DI CONSUMIDOR MAS PESIMISTA DEN E DI CUATER TRIMESTER DI 2021

Comunicado di prensa¹

Resultado pa e di cuater trimester di 2021

Oranjestad, 4 di maart 2022 – Mientras cu e variante nobo di COVID-19, Omicron, tabata causa un ola nobo di infeccion, consumidornan a bira mas pesimista, mirando cu e confiansa di consumidor a baha cu 0,8 punto di indice te na 94,1 durante e di cuater trimester di 2021 (Grafiek 1)².

Na final di e di cuater trimester di 2022, e preocupacion mas grandi di consumidornan tabata (i) e posicion financiero di gobierno cu lo empeora (7 punto di porcentahe mas compara cu e trimester anterior (Q3-2021: 54 por ciento)), mientras cu (ii) 32 por ciento di respondenternan ta pensa cu e situation economico lo ta mas malo, esta, 7 punto di porcentahe mas compara cu e trimester anterior (Q3-2021: 25 por ciento). Notabel ta cu 51 por ciento di respondenternan ta pensa ainda cu haña un trabou nobo ta mas dificil, esta 4 punto di porcentahe mas compara cu e trimester anterior (Q3-2021: 47 por ciento). Sinembargo, solamente 56 por ciento di encuestadonan a raporta cu nan ta preocupa cu nan estado di salud, cual ta 10 punto di porcentahe menos compara cu e trimester anterior (Q3-2021: 66 por ciento).

Tanto e indice di e situacion actual como e indice di expectativa a baha cu, respectivamente, 1,6 punto di indice te na 93,4 y cu 1,0 punto di indice te na 96,1 den e di cuater trimester di 2021. Mas respondente (60 por ciento) tabata anticipa cu recuperacion economico di Aruba for di e crisis di COVID-19 lo tuma 2 aña mas (Q3-2021: 56 por ciento).

E cantidad di encuestadonan (66 por ciento) cu a raporta cu compra di un auto no tabata apropiada keda paracticamente mescos (Q3-2021: 67 por ciento), mientras cu un cantidad poco mas halto (67 por ciento) a indica cu haci un prestamo no tabata adecua (Q3-2021: 65 por ciento). Un cantidad poco menos (60 por ciento) a indica cu tuma un hipoteca no tabata adecua (Q3-2021: 61 por ciento). Como 51 por ciento di encuestadonan a raporta cu bai cu vakantie no tabata apropiada (Q3-2021: 56 por ciento). Consecuentemente, e indice di habito di consumidor tabata 93,9 den e di cuater trimester di 2021, compara cu 94,1 den e trimester anterior.

Grafiek 1: Indice di Confiansa di Consumidor



Fuente: Banco Central di Aruba

Informacion adicional riba e encuesta di confiansa di consumidor ta disponibel riba website di CBA (<https://www.cbaruba.org/>).

Banco Central di Aruba
4 maart 2022

¹ E version original na Ingles ta prevalece,

² E indice por varia entre 90 y 110. Entre 90 y 100, e indice ta muestra un situacion di pesimismo. Un indice di exactamente 100 ta indica cu consumidornan no ta ni optimista, tampoco pesimista, pero ta neutral den nan pensamiento di desaroyo economico na Aruba. Entre 100 y 110, e indice ta muestra un situacion di optimismo den pensamiento di consumidornan.